

周易本義拾遺

周易本義拾遺卷之六

李文昭著

文言傳

此篇申象傳象傳之意以盡乾坤二卦之蘊而餘卦之說因可以例

推云。按原本止有乾坤二卦今從吳氏取繫辭傳內共十八條附之

元者善之長也亨者嘉之會也利者義之和也貞者事之幹也

長丁丈反下同幹古旦反元者生物之始天地之

德莫先於此故於時為春於人則為仁而眾善之長也亨者生物之通物至於此莫不嘉美故於時為夏於人則為禮而眾美之會也利者生物之遂物各得其宜不相妨害故於時為秋於人則為義而得其分之和貞者生物之成實理具備隨在各足故於時為冬於人則為智而為眾事之幹幹木君子體仁足以之身而枝葉所依以立者也

長人嘉會足以合體利物足以和義貞固足

以幹事

故以仁為體則无一物不在所愛之中

使物各得其所利則義无不和貞固者知正

之所在而固守之所謂知而弗去者也故足

以為事

君子行此四德者故曰乾元亨利貞

非君子之至健无以行此故曰乾元亨利貞

。此第一節中象傳之意與春秋傳所載穆

姜之言不異疑古已有此語穆姜稱之而夫

子亦有取焉故下文別以子曰表孔子之辭

蓋博者欲以明此章之為古語也。按生民

收藏天道之常也仁義禮智人性之蘊也萬

物資始若軀幹之有元首善孰得而先之品

物流形若交際之際之有延實嘉孰得而外之各

正性命若刀鏤之于收獲而義有不安者無

矣保合太和若板柱之于牆壁而事有不

者鮮矣。天下一家，中國一人，是亦天道之元也。大經三百，小曲三千，是亦天道之亨也。百官得宜，萬民得所，是亦天道之利也。守經知宜，遭變知權，是亦天道之貞也。君子惟健，故四德根心而時出。及初九曰：潛龍勿用，何謂其至也？純亦不已矣。

也。子曰：龍德而隱者，也不易乎世，不成乎名，遯世无悶，不見是而無悶，樂則行之，憂則違之，確乎其不可拔，潛龍也。

樂音洛，確苦學反。龍德，聖人之德也。在下故隱。易謂變其所守，大抵乾卦六爻文言皆以聖人明之。有隱顯而无淺深也。按陽而在下，是龍德而隱者，不易乎世。邪世不能亂也，不成乎名，小善不自居也。既不易矣，則必至于遯。既不成矣，則孰從而是之而皆无所悶。非說諸心者而能之乎？憂樂之遇

未嘗无精而或行或違曾无意必固我之私
蓋其天定耳確乎不拔深根而固植假與木
之象以明之也子淵

九二曰見龍在田利見

茂叔足以當此矣

大人何謂也子曰龍德而正中者也庸言之

信庸行之謹閑邪存其誠善世而不伐德博

而化易曰見龍在田利見大人君德也

行下孟反

。正中不潛而未躍之時也常言亦信常行
亦謹盛德之至也閑邪存其誠无斁亦保之
意言君德也者釋大人之爲九二也○按德
施之普以龍德之正中也庸信庸謹蓋无邪
之可閑而誠亦无待于存矣然猶若閑且存
焉所以爲不已也善被于世而心不自足德
著于外而人自化之美利不言君德不已具
備乎若伯淳者蓋有其德而所遇之不偶耳

九三曰君子終日乾乾夕惕若厲无咎何謂也子曰君子進德修業忠信所以進德也修辭立其誠所以居業也知至至之可與幾也知終終之可與存義也是故居上位而不驕在下位而不憂故乾乾因其時而惕雖危无咎

矣

幾音機。忠信主於心者无一念之不誠也。修辭見於事者无一言之不實也。雖有

忠信之心然非修辭立誠則无以居之知至至之進德之事知終終之居業之事所以終日乾乾而夕猶惕若者以此故也可上可下不驕不憂所謂无咎也。按聖人之德業一于誠而已誠至而明生焉理之方萌謂之幾事之已定謂之義知至知終以易而知也至

之終之行无假乎力也非反復道者而能然耶獨舉修辭者因兌而言不驕不憂伊周其當之九四曰或躍在淵无咎何謂也子曰上

下无常非爲邪也進退无恒非離羣也君子

進德修業欲及時也故无咎離力智反。內卦以德學言外

卦以時位言進德修業九三備矣此則欲其及時而進也○按无常无恒皆不果之意巽

之德也非爲逼上之邪非離同德之羣惟自強不息及時以進修耳則雖進而何咎乎上

而進者舜禹也下九五曰飛龍在天利見大

人何謂也子曰同聲相應同氣相求水流濕

火就燥雲從龍風從虎聖人作而萬物覩本

乎天者親上本乎地者親下則各從其類也

作起也物猶人也觀釋利見之意也本乎天者謂動物本乎地者謂植物物各從其類聖人人類之首也故興起於上則人皆見之○按同聲相應黃鐘大呂之屬同氣相求陽燧方諸之類聖作物觀所謂大人造也亦同類之自感耳萬物相見乎離故以觀言之動物之呼吸本天植物之根莖本地无上九曰亢有離其類者聖作物觀堯舜以之

龍有悔何謂也子曰貴而无位高而无民賢

人在下位而无輔是以動而有悔也賢人在下位謂

九五以下无輔以上九過高志滿不來輔助之也。此第二節申象傳之意。按陽爻至貴天位至高而居衆賢之上可謂盈矣然失位遠民而莫之輔其可久乎過中失正動必

夫決自恃矣能无悔哉潛龍勿用下也見龍在田時舍

也舍音捨言未為時用也終日乾乾行事也或躍在淵

自試也未遽有為姑試其可飛龍在天上治也居上以治下

亢龍有悔窮之災也乾元用九天下治也治

吏反。言乾元用九見與他卦不同君道剛而能柔天下无不治矣。此第三節再申前

意。按初之下也與氣機合也二德施雖可普而時方舍之三之反復于道即其所行之

事耳四雖將進猶必自試而不輕焉五既造矣而有不治者乎上處盈而不返窮之災宜

矣夫內聖外王同條而其貫者也用潛龍勿九以天德而天下治也豈曰誣哉

用陽氣潛藏見龍在田天下文明雖不在上

已被終日乾乾與時偕行其化時當或躍在淵乾

道乃革離下而上飛龍在天乃位乎天德德天

乃宜即天位也蓋惟有是德亢龍有悔與時偕極

乾元用九乃見天則此剛而能柔天之法也

按初惟位下故其氣藏潛藏與之伏也二身

雖舍而道已著文明離之輝也三所為之事

必當其時四心雖自試而道固當革矣五治

之盛因德之隆上雖道窮亦因時極聖人之

于人事皆天理之時措耳故用九乾元者始

治功外著而天則之內蘊可見焉乾元者始

而亨者也始則必亨利貞者性情也收斂歸

性情之實乾始能以美利利天下不言所利大矣

哉始者元而亨也利天下者利也不言所大

哉乾乎剛健中正純粹精也用言中者其行

无過不及正者其立不偏四者乾之德也純

者不雜於陰柔粹者不雜於邪惡蓋剛健中

正之至極而精者又純粹之至極也或疑乾

剛无柔不得言中正者不然也天地之間本

一氣之流行而有動靜爾以其流行之統體

而言則但謂之乾而无所不包矣以其動靜

分之然後有陰陽剛柔之別也六爻發揮旁通情也言曲盡

時乘六龍以御天也雲行雨施天下平也

始施

鼓反。言聖人時乘六龍以御天則如天之
雲行雨施而天下平也。此第五節復申首
章之意。按乾之四德約之則二其陰陽之
象乎統之則一其元化之運乎始而亨者資

始而流形也。性情者各正而保合也。蘊焉之謂性。天命之散殊發焉之謂情。大和之克塞始卽元也。以美利則亨矣。利及于天下而不待言其所以利則利貞矣。焉往而非一元之周流哉。六爻皆健而初三五則剛而健二五皆中而五則正而中其剛健則无陰柔之雜至美而純焉。其中正則无偏曲之迹。齊同而粹焉。其純粹則无表裏之異。致盡善而精焉。此乾之所以爲大也。旣大明一卦之終始而又旁通六爻之情則乘天之德御天之道若雲行雨施而大亨天下平而至正矣。傳曰四德之行元猶五常之仁。偏言則一事專言則包四者。君子以成德爲行。日可見之行也。潛之爲言也。隱而未見行而未成。是以君子弗用也。

行並下蓋反未見之見賢遍反。成德已成之德也。初九固成德但其行未可見爾。按

德成而發之行皆有可見之迹矣特其位隱故其業猶未底于成陽氣之所以潛藏也

君子學以聚之問以辨之寬以居之仁以行

之易曰見龍在田利見大人君德也蓋由四者以成

大人之德再言君德以深明九二之爲大人也

按學以聚之多見多聞也問以辨之寡

疑寡殆也寬以居之勿忘勿助也仁以行之

去私去欲也此天下所以共見其文明之德

九三重剛而不中上不在天下不在田故

乾乾因其時而惕雖危无咎矣重而龍反下重剛講

陽位陽位九四重剛而不中上不在天下不在田

中不在人故或之或之者疑之也故元咎九四

非重剛重字疑衍在人謂三或者隨時而未
定也。按三四皆居兩乾之間故曰重剛三
過乎中是以時行而多懼四不及乎中是以
將革而多疑三才分立而人親地故凡質言
人者多不干云。夫大人者與天地合其德與日
月合其明與四時合其序與鬼神合其吉凶
先天而天弗違後天而奉天時天且弗違而
況於人乎況於鬼神乎。夫音扶先悉薦反後胡豆反。大人即釋爻辭所利見之大人也有是德而當其位乃可以當之人與天地鬼神本无二理特蔽於有我之私是以格於形體而不能相通大人无私以道爲體會何彼此先後之可言哉先天弗違謂意之所爲默與道契後天奉天謂知理如是奉而行之同乾謂郭子儀曰卜者

言此行當見一大人而還其占蓋與此合若
子儀者雖未及乎夫子之所論然其至公无
我亦可謂當時之大人矣。按覆載无私則
合德矣照臨无蔽則合明矣屈伸有則則合
序矣賞罰有章則合吉凶矣先天者開物以
前民也窮神而繼其志故天弗違焉後天者
因時以立政也知化而述其事故奉亢之爲
天時焉天德其備則孰得而違之乎
言也知進而不知退知存而不知亡知得而
不知喪喪息浪反。所其唯聖人乎知進退
存亡而不失其正者其唯聖人乎知其理勢
之以道則不至於有悔矣固非計私以避害
者也再言其唯聖人乎始若設問而卒自應
之也。此第六節復申第二第三第四節之
意。微達退。意。亡者。物能知

險斯不入于險而何至于極乎君有毫則倦于勤之與臣有寵利居成功之辭皆善處危也者

坤至柔而動也剛至靜而德方

剛方釋牝馬之貞也方謂

生物有常

後得主而有常

程傳曰主下當有利字

含萬物而

化光

復明亨義坤道其順乎承天而時行

復明順承天之

意。此以上申彖傳之意。

按柔靜之中而

剛方出其間牝馬之所以行地无疆也曰處

乎後故得主而不失其常焉坤以藏之无乎

不含萬物皆致養焉其化則光西南之所以

利也其性之順凡有所為特承天而以時行

之安貞之所以吉也德合于乾不亦宜乎

積善之家必有余慶積不善之家必有余殃

臣弑其君子弑其父非一朝一夕之故其所

由來者漸矣由辨之不早辨也易曰履霜堅

冰至蓋言順也

古字順慎通用按此當作慎言當辨之於微也○按積者

履霜也○解則堅冰至矣自始凝而馴至其漸昭然復小而辨于物而陰柔之資不能也不

謹于其微則將何及矣直其正也方其義也君子敬以

直內義以方外敬義立而德不孤直方大不

習无不利則不疑其所行也

此以學而言之也正謂本體義

謂裁制敬則本體之守也直內方外程傳備矣不孤言大也疑故習而後利不疑則何假於習○按傳曰君子主敬以直其內守義以方其外敬立而內直義形而外方義形于外

非在外也夫敬以涵義之體義以達敬之用
內外夾持其能甚簡德所以不孤而大也坎

性多疑而德盛則信熾之有地道之光
此乎孟之集義程之主敬深有得于此
乾一而實故誠存坤二而虛故敬直乾陽而
舒故仁行坤陰而歛故義方千古作聖之途
不外于斯
陰雖有美含之以從王事弗敢成
二者矣

也地道也妻道也臣道也地道无成而代有

終也按成象而效法之是以无成始物而作

成之是以有終發而光大不亦宜乎諸

葛司馬之為社稷臣以此而已傳曰處下之

道不有其功耳非含藏終不為也含而不為

不盡忠天地變化草木蕃天地閉賢人隱易

者也
曰括囊无咎无譽蓋言謹也按變化則无知
者且蕃閉則先

覺者亦隱時當然也知阻斯不進于阻不君謹而能免于害耶古之逸民其用此道夫

子黃中通理

黃中言中德在內

正位居體

雖

尊位而居下體

美在其中而暢於四支發於

事業美之至也

美在其中復釋黃中暢於四支復釋居體

又為身象黃中而通于腠理其中之形乎正

而喻也發於事業无所用而不周也

晦之學由此其選也乾道之聖人進修而不

已坤道之聖人暢發而不窮進修者所知之

矣陰凝於陽必戰為其嫌於无陽也故稱龍焉猶未離其類也故稱血焉夫玄黃者天地

之雜也天玄而地黃

爲于僞反離力智反夫音扶。疑謂均敵而无

大之差也坤雖无陽然陽未嘗无也血陰

屬蓋氣陽而血陰也玄黃天地之正色言陰

陽皆傷也。此以上中象傳之意。按陰道窮則疑於陽矣然終无敵陽之理也故其稱

之如此正名分警人心易之爲教嚴矣哉

子曰危者安其位者也亡者保其存者也亂

者有其治者也是故君子安而不忘危存而

不忘亡治而不忘亂是以身安而國家可保

也易曰其亡其亡係于苞桑

此釋否九五爻義。按安危者

身存亡者位

治亂者政 同人先號咷而後笑大師克相

遇子曰君子之道或出或處或默或語二人

同心其利斷金同心之言其臭如蘭

斷丁管反臭呂

又反

釋同人九五爻義言君子之道初若

不同而後實無間

斷金如蘭言物莫能間而

其言有味也

按君子之道始或所見之不

同而至于相非

然中正之道終莫得而間焉

化為重離虛明洞

易曰自天祐之吉无不利

產故以同心象之

子曰祐者助也天之所助者順也人之所助

者信也履信思乎順又以尚賢也是以自天

祐之言无不利也

釋大有上九爻義然在此

第八章之末

按化震為足而應四是謂履

信中虛為心而此五是謂思順陽剛居上而

衆尊之則尚賢之義也

勞謙君子有終吉子曰勞而不

伐有功而不德厚之至也語以其功下人者

也德言盛禮言恭謙也者致恭以存其位者

也

釋謙九三爻義德言盛禮言恭言德欲其盛禮欲其恭也○按以功下人民必服之

張氏曰德之盛而克實如山焉禮之恭而接下如地焉此謙所以長保其位也子曰

知幾其神乎君子上交不諂下交不瀆其知

幾乎幾者動之微吉之先見者也君子見幾

而作不俟終日易曰介于石不終日貞吉介

于石焉寧用終日斷可識矣君子知微知彰

知柔知剛萬夫之望

幾音機先見之見賢遍反。此釋豫六二爻義

漢書吉之之間有凶字。按承乘陰邪而中正自守故不至于誦讀也。微彰者理之迹。柔剛者事之體。子曰小人不恥不仁不畏不義不見

利不勸不威不懲小懲而大誠此小人之福

也易曰履校滅趾无咎此之謂也

此釋噬嗑初九爻義

善不積不足以成名惡不積不足以滅身小

人以小善為无益而弗為也以小惡為无傷

而弗去也故惡積而不可揜罪大而不可解

易曰何校滅耳凶

去美呂反。此釋噬嗑上九爻義。按此小失而有

名者所以遇其施而使之不行窮而多子
幸者所以厚其毒而戒以不聰天道然也

曰顏氏之子其殆庶幾乎有不善未嘗不知

知之未嘗復行也易曰不遠復无祇悔元吉

復行之復扶又反。殆危也庶幾近意言近

道也此釋復初九爻義。按修身以道庶幾

則近之矣程子曰既未能不勉而中所欲不

踰矩是有過也然其明而剛故不遠復也學

問之道无他知其不善初六藉用白茅无咎

則速改以從善而已

子曰苟錯諸地而可矣藉之用茅何咎之有

慎之至也夫茅之爲物薄而用可重也慎斯

術也以往其无所失矣

夫音扶。釋大過初六爻義。按以柔居

下其道宜然過則有失惟
過于慎則无所失故无咎

易曰憧憧往來朋從爾思子曰天下何思何

慮天下同歸而殊塗一致而百慮天下何思

何慮此引咸九四爻辭而釋之言理本无二

必思而從則所日往則月來月往則日來日

從者亦狹矣月相推而明生焉寒往則暑來暑往則寒來

寒暑相推而歲成焉往者屈也來者信也屈

信相感而利生焉信音伸。言往來屈信皆

焉則入於私矣所以尺蠖之屈以求信也龍

必思而後有從也

蛇之蟄以其身也精義入神以致用也利月

安身以崇德也蟄紀縛反蟄真立反。因言

學亦有自然之機也精研其義至於入神屈

之至也然乃所以為出而致用之本利其施

用无適不然信之極也然乃所以為入過此

而崇德之基內外交相養互相發也

以往未之或知也窮神知化德之盛也下學

盡力於精義利用而交養互發之機自不能

已自是以上則亦无所用其力矣至於窮神

知化乃德盛仁熟而自致耳然不知者往而

屈也自致者來而信也是亦感應自然之理

而已張子曰氣有陰陽推行有漸為化合一

不測為神此上四節皆以釋咸九四爻義○

按俞氏曰思者索所欲慮者防所惡柴氏曰

同歸而殊塗天下无二理一致而百慮天下

无二心夫相感而利生則不感於害矣通神
切之德非但精義入神也知變化之道非但
利用安身也豈非光大之至乎咸之爲卦乃
後天之中氣下篇之託始而九四當心位則
一卦之王也故子口作易者其知盜乎易曰
夫子極言之
負且乘致寇至負也者小人之事也乘也者
君子之器也小人而乘君子之器盜思奪之
矣上慢下暴盜思伐之矣慢藏誨盜冶容誨
淫易曰負且乘致寇至盜之招也藏才浪反釋解六
三爻義○按處非其據而又播惡于衆是盜
雖自外至而招之則由己矣三處重險之間
故爲盜爲淫
而可醜如此
易曰公用射隼于高墉之上獲

之无不利子曰隼者禽也弓矢者器也射之

者人也君子藏器于身待時而動何不利之

有動而不括是以出而有獲語成器而動者

也

括結礙反。此釋解上六爻義。按天地

而无不括也。藏用聖人藏密君子藏器是以能屈能伸

而不括具震之德乎天地絪縕萬物化醇男女

媾精萬物化生易曰三人行則損一人一人

行則得其友言致一也細音因縕紆云反。細縕交密之狀醇謂

厚而凝也言氣化者也化生形化者也此釋損六三爻義。按天包地外地處天中損體

象之艮少男也兌少女也相合子曰君子安

其身而後動易其心而後語定其交而後求
君子修此三者故全也危以動則民不與也
懼以語則民不應也无交而求則民不與也
莫之與則傷之者至矣易曰莫益之或擊之
立心勿恒凶易其之易以鼓反。此釋益上九爻義。按項氏曰危動不與者黨與之與无交不與者取與之與柴氏曰傷言莫之與則傷之者至矣以上九專利自益故也
易曰困于石據于蒺藜入于其宮不見
其妻凶子曰非所困而困焉名必辱非所據
而據焉身必危既辱且危死期將至妻其可

得見邪

釋困六三爻義。按嘉石耻之則名辱國土取之則身危化為大過有棺

槨之象不祥之甚也故死期將至

子曰德薄而位尊知小而

謀大力小而任重鮮不及矣易曰鼎折足覆

公餗其形渥凶言不勝其任也

知音者鮮先善反勝音升

。此釋鼎九四爻義。按不勝其任由自信之不審也錢氏曰古之人君必度德量力而

後授之官古之人臣亦必度德量力而後居其位雖百工胥吏猶且不苛况三公乎不

出戶庭无咎子曰亂之所生也則言語以為

階君不密則失臣臣不密則失身幾事不密

則害成是以君子慎密而不出也

幾音機。釋節初九。

爻義曰按邱氏曰爻義上出處之節此兼及
於言語之節者兌為口舌亦其象也蓋口舌
乃人一身之門也鳴鶴在陰其子和之我有
好爵吾與爾靡之子曰君子居其室出其言
善則千里之外應之況其邇者乎居其室出
其言不善則千里之外逆之況其邇者乎三
聖人身加乎民行發乎邇見乎遠言行君子
之樞機樞機之發榮辱之主也言行君子之
所以動天地也可不慎乎行下孟反見賢邇
反釋中孚九二
爻義曰按兌主出言與主制行門之闕闕在
樞機之張弛在機德業之存發在言行古之

人尤悔寡而祿在其中
此好罰之所以廢歟

說卦傳

昔者聖人之作易也幽贊於神明而生蓍

幽贊

幽贊贊化育龜筮傳曰天下和平于
道得而蓍從長尺其叢生滿百莖參天兩

地而倚數

參七兩反。天圓地方圓者一而
圖三三各一奇故參天而為三

者一而圖四四合二偶故兩地而為二數
倚此面起故揲著三變之求其餘三奇則三

三而九三偶則三三而六兩二
一三則為七兩三一二則為八觀變於陰陽

而立卦發揮於剛柔而生爻和順於道德而

理於義窮理盡性以至於命

和順從容无所
非逆統言之也

理謂隨事符其條理析言之也窮天下之理
盡人物之性而合於大道此聖人作易之極
妙也○按不測之謂神有赫之謂明造化之
如用也○聖人幽贊之○稽疑術武而著於是乎
生焉○天包地外其數得三○地處天中其數得
二○造化之定體也○聖人參之兩之變化不窮
而數於是乎倚焉○觀變於陰陽而錯綜以形
義擇於剛柔而動靜以別於是乎為之卦爻
以象之此伏羲之易也和順於道德而得其
理○然後理於義而盡其分殊窮理盡性而
極大人功○然後至於命而合夫天則於是乎
示之義命以調之此文王之易也○假於著原
於數成於卦爻而卒歸於義命
此聖人所以不得已而有作乎

右第一章

昔者聖人之作易也將以順性命之理是以

立天之道曰陰與陽立地之道曰柔與剛立
人之道曰仁與義兼三才而兩之故易六畫
而成卦分陰分陽迭用柔剛故易六位而成
章兼三才而兩之總言六畫又細分之則陰
陽之位間雜而成文章也。按陰陽氣也
柔剛質也仁義德也初二為地三四為人五
上為天此六畫而成卦也初三五為陽二四
上為陰於以考其當位與否此六位而成章
也如是則在天之命在人之性乃各有理之
可循聖人豈
苟作者哉

右第二章

天地定位山澤通氣雷風相薄水火不相射

八卦相錯

薄音博後同射食亦反。邵子曰此伏羲八卦之位乾南坤北離東

坎西兌居東南震居東北巽居西南艮居西北於此是八卦相交而成六十四卦動謂先天

之學數往者順知來者逆是故易逆數也

主反。起震而歷離兌以至於乾巽已生之卦也自巽而歷坎艮以至於坤推未生之卦

也易之生卦則以乾兌離震巽坎艮坤為次故皆逆數也。逆數之數去聲。按天浮於

上者也地凝於下者也故曰天地定位定也者亘宇宙而不變也山發於西北澤滙於東

南中原之勢也山之止也水會之北澤滙於東山分之高者降下者升故曰山澤通氣雷奮

天下者也風旋于上者也故曰雷風相薄其周旋也自外其奮擊也自內是以相薄也日

出于東者也月生于西者也晝夜代明而不已焉故曰水火不相射火宗日水本月此先

天之義也陰陽對待是謂和錯自震至乾自
一至坤溯而數之往去之運也其陰陽之數
一而二二而三左旋而順焉自艮至乾自兌
至坤推而知之來回之氣也其陰陽之數亦
自一而二二而三右旋而逆焉夫易之義因
交易而立名也陽之中必有陰以濟之陰之
中必有陽以裁之惟其數之逆也而後相
錯之體成不然則何以極數而知來耶

右第三章

雷以動之風以散之雨以潤之日以暄之艮

以止之兌以說之乾以君之坤以藏之暄况

說音悅下同。此卦位相對與上章同。按
震巽陰陽之始也雷以動之而乘其權焉風
以散之而宣其化焉而物於是乎生矣坎離
陰陽之中也雨以潤之而論其精焉日以暄

之而舒其氣焉而物於是乎長矣艮兌陰陽之終也艮以止之而冬完其質焉兌以說之而各遂其情焉而物於是乎成矣乾坤陰陽之統也乾以君之而其覆无偏焉坤以藏之而其載无彊焉而物於是乎得所矣此先天對待之運也

右第四章

帝出乎震齊乎巽相見乎離致役乎坤說言

乎兌戰乎乾勞乎坎成言乎艮帝者天之主宰邵子曰此

卦位乃文王所定所謂後天之學也萬物出乎震震東方也齊

乎巽巽東南也齊也者言萬物之潔齊也離

也者明也萬物皆相見南方之卦也聖人南

南而壙天下焉以而治蓋取諸此也坤也者地也萬物皆致養焉故曰致役乎坤兌正秋也萬物之所說也故曰說言乎兌戰乎乾乾西北之卦也言陰陽相薄也坎者水也正北方之卦也勞卦也萬物之所歸也故曰勞乎坎艮東北之卦也萬物之所成終而所成始也故曰成言乎艮

入也。按後天流行之運其義如此或言坤或言方互言以相發耳

右第五章

此章所推卦位之說多未詳者

神也者妙萬物而爲言者也動萬物者莫疾
乎雷撓萬物者莫疾乎風燥萬物者莫撓乎
火說萬物者莫說乎澤潤萬物者莫潤乎水
終萬物始萬物者莫盛乎艮故水火相逮雷
風不相悖山澤通氣然後能變化既成萬物

也

撓乃飽反撓呼且反。此去乾坤而專言六子以見神之所爲然其位欠亦用上章

之說未詳其義。按天地形體也乾坤性情也。以主宰謂之帝以妙用謂之神動之撓之木之候也。燥之火之候也。說之金之候也。潤之水之候也。燠之土之候也。然流行之用終不外對待之體焉。是故乾坤退居不用之位而否泰之體仍如故也。坎離各居大中

之位而既濟未濟之體仍如故也雷風山澤
互居其方而感恒損益之體亦无往而不相
值焉天地相交不待言矣而水火何嘗不相
逮雷風何嘗相悖山澤之氣何嘗不通也哉
乾坤坎離相錯震巽艮兌相綜此變化之
所以不窮而萬物於是乎成矣

右第六章

乾健也坤順也震動也巽入也坎陷也離麗

也艮止也兌說也

此言八卦之性情。按純剛故健純柔故順動則往

入則失陷則實麗則虛止則歛說則散此性情之相錯也動則行止則靜入則隱說則顯此性情之相綜也

右第七章

乾為馬坤為牛震為龍巽為雞坎為豕離為雉艮為狗兌為羊

遠取諸物如此○按馬健而知險牛順而知阻龍體隱為聲揚不形汚雉色文狗性狠羊群和此物類之相錯也能尚德狗恃威鷄善伏羊好隨此物類之相綜也

右第八章

乾為首坤為腹震為足巽為股坎為耳離為目艮為手兌為口

近取諸身如此○按首剛動股主靜耳內聰目外明手作事口出言此體質之相錯也足有遷手執固股出舊口納新此體質之相綜也

右第九章

乾天也故稱乎父坤地也故稱乎母震一索而得男故謂之長男巽一索而得女故謂之長女坎再索而得男故謂之中男離再索而得女故謂之中女艮三索而得男故謂之少男兌三索而得女故謂之少女

索色白反長丁丈反少詩

照反下章同。索求也謂揲著以求爻也男
女指卦中一陰一陽之爻而言。按三男本
坤體各得乾之一陽而成男陽根於陰也三
女本乾體各得坤之一陰而成女陰根於陽
也父母中子相錯長幼
相綜而其用无窮矣

右第十章

乾爲天爲圜爲君爲父爲玉爲金爲寒爲冰
爲大赤爲良馬爲老馬爲瘠馬爲駁馬爲木
果爲圜音圓駁邦角反。荷九家此下有爲龍
其體矣主萬物者君始萬物者父其粹玉也
其剛金也後天之合乃寒與冰先天之色則
大赤也其像爲馬而純極則良剛極則老无
柔則瘠數變則駁矣圜而資始非木果乎。
陽德之純以龍像之動而不同所以坤爲地
直也其上覆也似衣其純氣也似言坤爲地
爲母爲布爲釜爲吝嗇爲均爲子母牛爲大
輿爲文爲衆爲柄其於地也爲黑釜房甫反
嚮音色。

荀九家有爲牝爲迷爲方爲囊爲裳爲黃爲
帛爲漿。柄當作柄。按純陰持載地也資
生而致養之母也利物非泉布乎虛而有容
非空乎虛而常斂則吝嗇也載物而成質猶
均之載土以成器也以像則牛而生生相繼
于母似之體方量廣與之大者陰畫相疊謂
之文偶畫成文謂之衆虛體能受謂之柄黑
則先天之色也。以質則牝以性則迷以形
則方虛受囊也下承裳也黃者中之
色帛者柔之體漿者致養之用也。震爲雷

爲龍爲玄黃爲夷爲大塗爲長子爲決躁爲

蒼筤竹爲萑蒹其於馬也爲善鳴爲馵足爲

作足爲的顙其於稼也爲反生其究爲健爲

蕃鮮。

專音孚簋音郎萑音九鼎主樹反蕃音顙
荀九家有爲玉爲鶴爲鼓。吳氏曰

玉當作圭。鵠當作鶴。未知是否。按陽奮於地。雷也。藏於淵。龍也。乾坤始交。其色玄黃。生機莫禦。其質劣矣。動而无阻。萬物出焉。塗之。大者。陽始謂之長子。陰性躁。陽奮斯決之矣。蒼者。後天之色。木實末虛。則簣竹與荏葦也。得乾之初。故其像馬。而外張。則善鳴。下動。則罪。是速行。則作足。陽少陰多。則的。穎矣。東作之物。莫盛于稼。而下實。則反主矣。勿謂一陽之微也。浸長。則健。浸昌。則蕃。鮮。曷亦觀其究乎。玉內蘊錫。高舉鼓外。振陽生而奮。是以象。巽爲木。爲風。爲長。女爲繩。直爲工。爲白。爲之。長爲高。爲進。退爲不果。爲臭。其於人也。爲寡髮。爲廣顙。爲多白眼。爲近利。市三倍。其究爲躁卦。

鶴

下爲長之長如字。荀九家有爲楊爲鶴。白當作帛。吳氏曰。鶴當作鴻。未知

是雷。按質善入者木也氣善入者風也陰始謂之長女繩直所以制木也工所以引繩也柔而有制豈非帛乎木滋培而不已故長日高風作止而靡常故進退且不果臭亦風之類矣陰少陽多故寡髮廣顙而多白眼入而不已故近利市三倍勿謂一陰之徵也久而堅凝其究有不躁者乎。楊

水之柔者鶴禽之伏氣者也

坎為水為溝

瀆為隱伏為矯輳為弓輪其於人也為加憂

為心病為耳痛為血卦為赤其於馬也為美

脊為亟心為下首為薄蹄為曳其於輿也為

多眚為通為月為盜其於木也為堅多心如輳

九反亟紀力反曳以制反。荀九家有為宮為律為可為棟為叢棘為狐為茨藜為桎梏

。可當作同。按內明水也外暗溝瀆也其止隱伏其行矯輳方中堅輪中勁亦矯輳之物也陷故加憂室故心病而耳痛血乃水類赤其色也得乾之中亦有馬像而剛中則美瘠陽陷則亟心上下俱柔則下首薄蹄而曳矣推之於與非皆乎水流故通其精月也隱而險焉盜也推之於木內剛若是非堅多心者乎。身隱於宮氣陷於律同之內其中實也似棟其多險也似棘其隱害也似離為火狐蕪藜險之至也桎梏陷之至也

為日為電為中女為甲冑為戈兵其於人也

為大腹為乾卦為鼃為蟹為羸為蚌為龜其

於木也為科上槁

乾音干蟹戶買反羸力禾反蚌步項反。荀九家育

為牝牛。按外明火也其精目也其光電也。中謂之中女外堅若甲冑為上銳若戈兵

焉中虛則駘大矣燥則乾矣介蟲之屬皆凶
器之類也而蟹善守蟹善衡蟹相麗時虛靜
邇文明其體實相似矣推之於木虛而且艮
乾非科上槁者乎。得坤之純故為牝牛艮
為山為徑路為小石為門闕為果蓏為閭寺
為指為狗為鼠為黔喙之屬其於木也為堅
多節蕪力火反黔其廉反喙况廢反。荀九
家為鼻為虎為狐。按止於地上者
也萬物入焉路之徑者少剛居上石之小
者上且下峙則門闕也物之生長以果蓏而
成人之出入以闕寺而限手之執物則賴于
指矣狗鼠之牙禽鳥之喙皆剛之外見者推
之于木非堅多節者乎。鼻外實內虛且有
止之象焉虎剛暴狐柔媚皆止物之獸也

兌為澤為少女為巫為口舌為毀折為附決

其於地也為剛鹵為妾為半

鹵力杜反。荀九家有為常為

輔頰。按水塞其流澤也。陰終謂之少女。巫專以言交神者。口舌則兼論諸人矣。肅殺之時。實落條枯。非毀折乎。陰柔之求陽進逼之。非附決乎。堅而潤者。乃剛鹵也。妾即少女內剛外說。非羊而何哉。陰文外著。旗常似之。陰畫外時。輔頰似之。

右第十一章

此章廣八卦之象。其間多不可曉者。求之於經。

亦不盡合也。按此章廣八卦之象。不專主於釋經也。故或經之所有而畧之。或經之所无而推之。似其顯闡其幽。以使人之自得。若以為不盡合於經而不致察。則聖人之意殆隱矣。

序卦傳

有天地然後萬物生焉盈天地之間者唯萬

物故受之以屯屯者盈也屯者物之始生也

按乾坤既判萬物將生氣化成形盈於天地之間所謂五極之真二五之精妙合而凝也

乾道成男坤道成女而生生不已矣物生必蒙故受之以蒙蒙

者蒙也物之穉也蒙其氣也穉其質也其在於人知識未開純一无偽

發之者不可不慎也物穉不可不養也故受之以需

需者飲食之道也雨露之滋所以養植物也飲食之道所以養動物也

鳥獸之飲食天地制之而生民之飲食則非聖人不能成之矣飲食必有訟

故受之以訟利之所在害即伏焉欲之所窮理斯辯焉飲食所以生訟也乾

儀以意豕酒生禍訟必有衆起故受之以師

而況於上世乎人信各徇其私則不以理爲曲直

師者衆也而人以勢爲強弱矣訟師相困亂

之所以衆必有所歸故受之以比比者比也

千夫有英萬夫有景本德既殊則衆咸觀附

之矣。又按天地之間其始皆水而已動乎

其下而物生止于其上而物著與天相遠而

兩儀判與地相比而萬國分其序豈不昭然

耶比必有所畜故受之以小畜天生斯民樹

而爭奪息導之而生養遂非物畜然後有禮

有所畜其能比焉而不散乎衣食既足恒心斯存典可得而

故受之以履敦矣禮可得而庸矣禮者人之

所履履而泰然後安故受之以泰是氏云鄭

也木无而泰

二字。按人有禮則安，無禮則危。物各得其所欲，故王道大成而世運泰矣。泰者

通也。物不可以終通，故受之以否。氣化之盛，衰人事之

得夫反覆而相尋，未物不可以終否，故受之

以同人。程子曰：天地不交則為否，上下相同

乃能與人同者，物必歸焉，故受之以大有。海

雖廣，其理同也。億兆雖衆，其心同也。所好好

之所惡，惡之而物不歸者鮮矣。大有何疑哉？

有大者不可以盈，故受之以謙。志不可滿，欲

而盈，驕侈之所由。有大而能謙，必豫，故受之

以豫。高而不危，所以長守富也。而此心度乎其豫矣。豫

必有隨故受之以隨

平易近民民必歸之心

也有以喜隨人者必有一事故事受之以蠱蠱者事

也可以喜隨人則同心協力而事

有事而後可

大故受之以臨臨者大也

洪水不起則平成之業不興暴亂不

生則弔伐之功不著故可大之績

物大然後

可觀故受之以觀

巍巍乎其有成功煥乎其有文章所以大而可觀也

可觀而後有所合故受之以噬嗑噬嗑者合也

瞻仰既崇信從必眾雖

物不可以苟合而已

故受之以賁賁者飾也

程子曰人之合聚則有威儀上下物之合

聚則有次序行致飾然後亨則盡矣故受之

以剝剝者剝也儀文盛而實行衰枝葉彫而本根露致飾而亨則已盡而

能无物不可以終盡剝窮上反下故受之以

復物无終盡之理雪霜之後必有陽春枯亡之餘必有夜氣窮於上斯反於下矣剝復

相因有復則不妄矣故受之以无妄周子曰

固然者復則不妄矣故受之以无妄身端心誠之謂也誠心復其不善之動而已矣不

善之動妄也妄復則无妄无妄則誠矣有

无妄然後可畜故受之以大畜誠蘊於中則充實而有光

頤者養也所畜者既大則當優游涵泳以養蓋大可爲也化不可爲也在熟

之而不養則不可動故受之以大過

養未

已矣之施為其氣緩矣古之人處非常物不可以

終過故受之以坎坎者陷也

天下之理中焉止矣大過則陷

不免焉陷必有所麗故受之以離離者麗

也事明之所由明是以得所麗也既麗則交

感而動之矣物之相麗者孰若夫婦之一乎

右上篇

有天地然後有萬物有萬物然後有男女有男女然後有夫婦有夫婦然後有父子有父

子然後有君臣有君臣然後有上下有上下

然後禮義有所錯夫婦之道不可以不久也

故受之以恒恒者久也按天地之生物氣化也夫婦之生人形化

也禮義交錯而人倫察矣萬化始于閨門一與之齊而可不久乎物不可以

久居其所故受之以遯遯者退也知足不辱知止不殆

久居其所而不退豈達於物理者故自夫婦以外无常久之事也物不可以

終遯故受之以大壯大蛇之蟄所以奮也退之

極則有時而大壯矣物不可以終壯故受之以晉晉者

進也有其具有其時則可以進必有其傷故

受之以明夷夷者傷也

修之不已則慄馳之不已

則蹢引之不已則傷於外者必反其家故受

法進所以有傷也

之以家人

以義合者有時而離以恩合者不

之帝

家道第

非故受之以睽睽者乖也

子周

曰家人離必起於婦人故睽次家人以二女

同居而其志不同行也堯所以釐降二女於

瀉汭舜可禪乖必有難故受之以蹇蹇者難

也

乎吾茲試矣情疎則忿怨生義薄則爭奪

物不可以終

難故受之以解

其苦備嘗而閱歷熟矣疾

也解者緩也緩必有所失故受之以損

難之既緩

則善心生宴安酖毒由損而不已必益故受

是而滋矣非損而何耶程子曰盛衰損益如循環益而不已

之以益然損極必益理之自然也必決故受之以夬夬者決也益而必決猶溢而必潰也然懲

忿窒欲則修身之益弘矣遷善改過則克己之功決矣決必有所遇故

受之以姤姤者遇也薰猶不同器而藏堯桀不共國而理有所決斯

有所物相遇而後聚故受之以萃萃者聚也

遇矣德不孤立必以類應聚而上者謂之升故受

之以升同寅協恭相聚而上也其天升而不

已必困故受之以困力有時而竭勢有時而

窮升之至而不困者鮮

矣困乎上者必反下故受之以井困上而反下其猶傷

外而反內乎物之至下者固莫井道不可不

革故受之以革井之為物有之則穢敗易之則清潔不可不革者也君子

有日新之學有更化之政其取諸此與革物者莫若鼎故受之以

鼎鼎之為物變腥而為熟易爛而為柔善

時雍其取主器者莫若長子故受之以震鼎重

諸此與器也長子傳國家繼位號者也故能震者動

主焉大人世及豈王者之私意乎也物不可以終動止之故受之以艮艮者止

也程子曰動靜相因動則有靜靜則有動物尤常動之理所以止也物不可

以終止故受之以漸漸者進也

躁動則无序欲速而反不

達矣止而有節故能以漸而進也

進必有所歸故受之以歸

妹自卑而進必底於高矣自邇而進必究於遠矣六禮備而室家宜豈非以漸而歸者

乎得其所歸者必大故受之以豐豐者大也

細流歸於江海則江海大萬民歸於帝王則帝王大至善歸於聖賢則聖賢大故得所歸

而豐也

窮大者必失其居故受之以旅

好大喜功或顛

蹶而不振窮高極遠或流蕩而不返皆失其所居者也以位則不保以德則无成非旅而

何旅而无所容故受之以巽巽者入也

羈旅

非巽何以取容就羈者不得其死好勝者必遇其敵能巽則无往而不入矣

入而

卷之六 論衡 卷之六 論衡

後說之故受之以兌兌者說也相拒則怒相

之大說而後散之故受之以渙憂則鬱忘說

情也渙者離也物不可以終離故受之以節

之氣人心散漫必有以防閑之紀綱立度數明節

而後天下之事可舉也豈在其離也哉節

而信之故受之以中孚節所以制於外也中孚

其道則上能信從之有其信者必行之故受

之以小過信藹於中則行必見於外矣然自

於小過有過物者必濟故受之以既濟才德

事業必隆此其物不可窮也故受之以未濟

終焉程子曰既濟矣物之窮也窮而不變則生生之義焉。又按天地之終其歸於水乎。渙則土釋矣節則澤瀦矣既濟未濟皆以涉川言之豈非一元之往復乎

右下篇

雜卦傳

乾剛坤柔

按一而實故剛二而虛故柔乾尚質坤尚文乾善知坤善行乾主義

坤主利乾處先而始物坤處後而終之其用相反而實則相成矣。大象自強不息天德之漸也厚德載物王道之基也。比樂師憂樂音洛。按一人統三軍故憂順在下者无思不服也險在內者隱情以虞也師无比則佳兵不祥比无師

則積弱少威一張一弛文武之道也。大象容民畜衆井田之防也。建國親侯封建之公也。臨觀之義或與或求觀我曰求或曰二卦

互有求與之義。按處中馭外而一人作則吾所與也居上示下而百辟皆刑彼來求也臨君兼乎師涵育之澤洽觀師兼乎君鼓舞之用神道固並行以相濟乎。臨與萃交大象教思容保文事也除戎器戒不虞武備也觀與升交大象省方面設教推而廣之地積小以高大龜屯見而不失其居蒙雜而著音見而崇之也。屯見而不失其居蒙雜而著音現。屯震遇坎震動故見坎險不行也蒙坎遇艮坎幽昧艮光明也或曰屯以初言蒙以二言。按陷者居尊位而動者磐桓故見而不失其居陷者比群陰而且者光明故雜而著天降下民作之君作之師屯蒙之義不其備哉。屯與解交大象經綸所以更新也赦

宵所以除舊也蒙與蹇交大象果行震起也

艮止也

蠲蔽方啟而奮然有為始之事也

原其起要其止而吾心之震艮與造化合矣

。大象恐懼修省察之於內也思不出位閑

之於損益盛衰之始也

方泰而忽有所損衰

外也損益盛衰之始也方泰而忽有所損衰

所益盛之始也反損下之道以節用推益下

之道以裕民斯善于圖始者乎。損與咸交

大象懲忿窒欲而欲无過矣以虛受人而

理无不行矣立立不易大畜時也无妄災也

方而體无不立矣大畜時也无妄災也者正健

有適然无妄而災自外至。按有大畜之業

自能推而行之時之當然也有无妄之德不

能安而處之災之適然也君子盡其在已者

以聽其在天者而已矣。大畜與遯交大象

多識以畜其尙友於古乎不惡而嚴其擇交
於今乎无妄與大壯交大象對時有物其蓋
性於人物乎非禮勿萃聚而升不來也自外
履其克私于一已乎萃聚而升不來也而聚
於內故積少而成多往上来而不來于下故由
小而至大萃援其尤升登其英則朝无曠職
野无遺賢而謙輕而豫忘也心虛故目輕志
天下治矣謙輕而豫忘也滿故自怠輕者
以禮節之不使至于過卑忘者以樂和之不
使至於太康故盈歉進反各得其宜斯聖人
之所以有制於天下也謙與剝交大象稱
物平施則卑而不屈矣厚下安宅則高而不
危矣豫與復交大象作樂崇德則動噬嗑食
而能和矣至日閉關則靜而能正矣噬嗑食
也賁无色也白受采賁无色也顧中有物食其所有
本於欽恤用禮而必返於樸誠食色之性非
君子其孰能裁之噬嗑與豐交大象明罰

勅法禁之於未然也折獄致刑懲之於已然也賁與旅交大象明而不敢拆謹之於所忽也明慎而不留**兌見而巽伏也**見賢遍反。施之於所宜也。陰內伏。情見故足以和衆。性伏故足以稱物。兌與之用也。發露者戒其流。涵深潛者戒其狐疑。則所以善全其用與。大象明又講習所以明理學術也。申命行事所以成務。政術**隨无故也蠱則飭也**飭與勅同。隨前无也。則事功可立。是以无故離德則積弊相仍是。以當飭隨或至於偷安蠱究歸於更化故聖人不畏多事而畏无事乎。隨與歸妹交大象嚮晦宴息順時而安也。永終知微審幾而動也。蠱與漸交大象振民育德有**剝爛也復**爲而變之居德善俗无意而化之**剝爛也復反也**窮上而生意无餘猶果之爛也返下而動機不息猶人之反也爛雖在外仁可

種而復生矣反非自天上運不已而更端矣此判復之所以為天行與晉晝也明

夷誅也誅傷也。晝則明。暮則明。傷夫古

晉也。至治安得而不昭。秦漢以下皆明夷也。

大道安得而不顯其間。雖有理亂之難。譬諸

雲霧之冥。月星之光耳。故君子安時。大衆

白。昭明德達於外也。蒞衆用晦而明。藏於內

也。井通而困相遇也。剛柔相遇而剛見。揜也。

足以蔽之通也。通者流長而澤能及物。見盡

性之量焉。遇者源竭而身且難存。見安命之

守焉。易以順性命之理。此之謂也。井與渙

交。大衆勞民。勸相澤之。敬也。享帝立廟。誠之

聚也。困與節。交大衆致命遂志。仁咸速也。恒

之成也。制度數議德。行義之裁也。咸速也。恒

久也。咸速恒久。感德最速。楊柳雨雪。所以

心說而誠服也。常道可久。舊德先時。所

以長治而久安也故聖人
之於天下人情以爲田
水故離澤坊水故止渙而能聚則人心可以
復合矣節而能通則王制可以常行矣放廢
則不及操切則過解緩也蹇難也
均非大中之道也解緩也蹇難也
而動以免之則緩矣險在前而止以遇之則
難矣處解之道利於往故機速而才敏處蹇
之道利於反故智深而勇
沉焉往而非進修之實哉
明外者物暎明內者家齊物理之常也能化
異而爲同則猜嫌釋於外矣能大同而辨異
則和順積于內矣殊塗者曷嘗不同歸乎
際與華交大象同而異而人事辨矣治且明
而天運察矣家人與鼎交大象言物行恒
而一家則之矣正位凝命而四方象之矣
泰反其類也
否有疇泰有鄰所謂類也往來
消長之不同則无不相反者明

良之世豈无四凶殘賊之朝亦有三仁蓋各
從其類云爾。大象裁成輔相以弘化也儉
德辟難以**大壯則止遯則退也**止謂不進也
保身也。進而有爲上也避而不敢爲退也或
作上。進而有爲上也避而不敢爲退也或
乘時並赴而非有期於壯或與時偕藏而非
有必於避各當**大有衆也同人親也**則衆君
其可而已矣。我與人則親友朋之至情也所
臣之同德也我與人則親友朋之至情也所
有既大雖聖哲亦皆歸之所同既堅雖仇敵
莫能間之柔得中正豈不足以自立哉。大
象遇惡揚善則處之之當乎類族辨物則知
之之**革去故也鼎取新也**去起呂反。以火
明乎**革去故也鼎取新也**銘金故者斯去更
化之象也以木從火新者斯取守成之象也
知革而不知鼎秦不能以及二世知鼎而不
知革周不能以制七雄**小過過也中孚信也**
有國家者尙念之哉

離者，離也。子小，非有悖謬之迹也。乎，出於中也。非，在
其納之私也。夫信之蘊本，无不中者也。發而爲
驗，其節則不亢，過矣可不慎乎。小過與
隨，受大衆過，恭過哀過，儉制行之宜也。慎言
語，節飲食，持身之當也。中乎與大過，交大衆
議，獄緩死，法外之寬也。獨立避世，自律之嚴
也。豐多故也。親寡旅也。既明且動，其故多矣。
孤則親戚寡於豐，而不使過中於旅，而猶能
守正，則不憂於日之昃，而无畏於火之焚。斯
善處之方乎。親寡旅，倒句體也。楚辭云：吉日
兮辰良。韓詩云：春與猿吟兮，秋鶴與飛。亦此
例。離上而坎下也。上時掌反。下，遐嫁反。大
也。離上而坎下也。上時掌反。下，遐嫁反。大
上質相陷，則下相麗而知幾察微明之所由
出也。相陷而動，心忍性誠之所由生也。坎離
其乾坤之用，聖神之能事乎。大衆繼明，照
于四方，所以不息也。常德行，習教事，所以不

也小畜寡也履不處也

不處行進之義。自知其寡則何敢於犯

衆不及於處則何至於決剛蓋避畜而猶能

自遂也。小畜與姤文大衆歸文德歸之於

已也。施命告四方論之於人也。履與夬交大

象辨上下定民志而天下之情通矣。

需不進也

矣。施辭及下而天下之情通矣。

訟不親也

安分待時是以不進。信情求勝是以不親。需以健而避乎險訟以健

而避乎險才同而位不同則各行其志而已。

大衆飲食宴樂其符之於事後乎作事謀

始其害之大過顛也姤遇也柔遇剛也漸女

于幾先乎。

歸待與行也。頤養正也。既濟定也。歸妹女之

終也未濟男之窮也。夬決也。剛決柔也。君子

終也未濟男之窮也。夬決也。剛決柔也。君子

終也未濟男之窮也。夬決也。剛決柔也。君子

道長小人道憂也

長丁丈反。自大過以下

以韻協之又似非誤未詳何義。按蔡氏以大過頤既濟未濟歸妹漸姤夫為亨今從之。柔不能勝剛故顛剛足以匡柔故正處大過之時勢不可无頤之涵養有頤之涵養自是以立大過之德業矣。六位皆當定之至也三陽失位窮之至也然定矣而倚伏靡常窮矣而變通可久故聖人不憂未濟而憂既濟也其慮深乎。大象思患豫防亂絕其萌也辨物居方理循其則也。離親則終備禮則待歸雖室家之常而情欲之感不可以不戒也漸乃婚姻之正而禮法之節不可以不循也人倫之本土化之基於是乎在矣。一邪遇眾正而其漸當防眾正去一邪而其慮當慎易雖以道陰陽而實為君子謀不為小人謀也。夫之幾非聖人其孰能決之。